

La figlia surpiglia il post dal bab

Da la radunana da delegads da la Partida populara svizra (pps) a Claustra

■ (rtr) La pps na vul dispit nagina cunvegna da basa cun l'UE, La Svizra duaja restar independenta. Ina cunvegna da basa cun l'UE na vegnia betg en dumonda. Quai ha ditg il president da la pps svizra, Albert Rösti, a la radunanza da delegads a Claustra. La cunvegna na saja nagut auter che la fasa avant l'adesiun a l'UE. Libertad, independen-za ed autodeterminaziun – quai duajan esser ils temas centrals per las elecziuns dal 2019. La Partida populara svizra veglia cuntanscher almain uschè bleras vuschs sco il 2015. Là ha la pps cuntanschè stgars 30% da las vuschs. Dà ina midada hai durant la radunanza da delegads tar la famiglia Blocher. Rösti resta president per ulteriurs dus onns.

La figlia surpiglia il post dal bab

Magdalena Martullo è vegnida elegida sco vicepresidente da la partida. Quai cun 354 vuschs. Bandunà il comité ha ses bab, Christoph Blocher, cun 77 onns. Il post da Blocher sco manader da las elecziuns 2019 surpiglia il cusseglier naziunal bernais Adrian Amstutz.

A la radunanza ha la partida cun ils pli blers votants era lantschè las elecziuns. En quel èn libertad, independen-za ed autodeterminaziun ils puncts ils pli impurtants.

Regurdientschas a l'EUR

Il schef da la campagna d'elecziun Adrian Amstutz ha discurrì d'ina «Classe politique» che mainia en l'Uniu europeica. L'incumbensa per las elecziuns saja da diminuir las «partidas che cuntrafan a la Constituziun» da mez e sanester. Ils garrants da la democrazia e l'independen-za



Christoph Blocher ha surdà ses post en la direziun a sia figlia Magdalena Martullo.

KEYSTONE

stoppian vegnir pli fermes. Er l'antierur cusseglier federal, Christoph Blocher, ha prendì il pled a la radunanza da delegads a Claustra. El ha avertì d'ina fin da la democrazia. Avant 25 onns, avant la votaziun davart l'EUR, hajan ins gi la medema situaziun sco oz. «Nus stuain

avrir ils egls al pievel svizzer», ha ditg Blocher, antierur cusseglier federal. Blocher ha plinavant discurrì d'in culp da stadi (Staatsstreich) en il qual il cusseglier federal, il parlament ed ils derschaders federals sajan involvids. Els mettian dretg internaziunal davant dretg svizzer.

En ses pled ha Blocher er duvrà il pled «sindicat da cugliuns». Il president da la partida, Albert Rösti ch'è reelegì per ulteriurs dus onns en uffizi, è s'exprimì absolutamain cunter ina cunvegna da basa cun l'UE. La suverenità da la Svizra na possa betg vegnir restrenschida.